

aðrennsli heita vatnsins ef einn þessara aðila vanrækir greiðslur þó reikningum sé skipt á notendur.

Fyrirætlun um lokun ber að tilkynna með 3ja daga fyrirvara. Allan kostnað af lokun og opnun á ný greiðir sá sem vanskilum veldur kr. 1 458,00 í hvert sinn.

12. gr.

Eftirlitsmanni hitaveitunnar skal hvenær sem er heimill aðgangur að öllum mælum, hitagjöfum og vatnsæðum sem eru í sambandi við hitaveituna.

Er húseiganda skylt að hlíta tafarlaust fyrirmælum hans um viðgerðir á bilunum og sérhverjum ráðstöfunum til varnar gegn misnotkun á heita vatninu.

Gjaldskrá þessi, sem samin er og samþykkt af stjórn Hitaveitu Egilsstaða og Fella og sett er samkvæmt orkulögum nr. 58, 29. apríl 1967, staðfestist hér með til að taka gildi 1. janúar 1990 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 443, 25. september 1989.

Iðnaðarráðuneytið, 18. desember 1989.

F. h. r.

Páll Flygenring.

Elsabet Sigurðardóttir.

GJALDSKRÁ

fyrir Vatnsveitu Bíldudals.

1. gr.

Af öllum fasteignum í Bíldudalshreppi, sem fá vatn úr vatnsveitu sveitarfélagsins skal greiða árlegan vatnsskatt.

Vatnsskattur skal reiknast af samanlögðu fasteignamatsverði hvernar fasteignar, þ.e. bæði af mati mannvirkja og lóða samkvæmt lögum um skráningu og mat fasteigna nr. 94/1976.

Upphæð vatnsskatts skal vera allt að 0,44% af samanlögðu fasteignamati mannvirkja og lóða. Gjaldið skal þó aldrei vera lægra en kr. 2 500.

Hafi fasteign, sem greiða ber af vatnsskatt, ekki verið virt fasteignamatsvirðingu, ákveður sveitarstjórn skattinn.

2. gr.

Af fasteignum, sem nota vatn til annars en venjulegra heimilisþarfa, vegna atvinnu, sem í þeim er rekin, eða af öðrum ástæðum, skal einnig greiða aukagjald, sem nefnist aukavatnsskattur.

Aukavatnsskatt skal að jafnaði greiða samkvæmt mældri notkun, en verði mælingu ekki komið við, skal greiða aukavatnsskatt samkvæmt ákvörðun sveitarstjórnar samkvæmt áætlaðri notkun.

Upphæð aukavatnsskatts skal vera allt að kr. 5 fyrir hvern rúmmetra vatns.

Fyrir önnur vatnsnot en þau, sem talin eru hér að framan skal greiddur aukavatnsskattur eftir ákvörðun sveitarstjórnar.

3. gr.

Um tengigjöld til vatnsveitu er ákvarðað í reglugerð um gatnagerðargjöld, nr. 197/1981.

4. gr.

Vatnsveitan lætur notendum í té löggilta vatnsmæla og er ársleiga fyrir hvern mæli sem hér segir:

		Kr.
0	20-32 mm	800
0	40 mm	1 100
0	50 mm	1 900
0	80 mm	3 700
0	100 mm	5 500

5. gr.

Gjalddagi vatnsskatts og aukavatnsskatts er sá sami og gjalddagi fasteignaskatts. Aukavatnsskatt er þó heimilt að innheimta mánaðarlega.

Sé vatnsskattur eða aukavatnsskattur ekki greiddur á gjalddaga er heimilt að loka fyrir vatnsrennsli til gjaldanda. Gjald fyrir enduropnun heimæða skal vera lægst kr. 3 000 og aldrei lægra en sannanlegur útlagður kostnaður.

6. gr.

Vatnsskatt og aukavatnsskatt samkvæmt gjaldskrá þessari má taka lögtaki. Vatnsskattur og aukavatnsskattur njóta lögveðs í viðkomandi fasteign næstu tvö ár eftir gjalddaga með forgangsrétti fyrir hvers konar samnings- og/eða aðfararveðum.

Öll gjöld samkvæmt gjaldskrá þessari, nema vatnsskattur, sem er miðaður við fasteignamatsvirðingu, skulu miðast við vísitölu byggingarkostnaðar í janúar 1989 og breytast í samræmi við hana.

Sveitarstjórn er heimilt að hækka eða lækka um allt að 50% framangreind gjöld, öll eða hvert þeirra um sig, án þess að leita þurfi staðfestingar ráðuneytis.

Gjaldskrá þessi er sett samkvæmt heimild í lögum nr. 93/1947 um aðstoð til vatnsveitna og vatnalögum nr. 15/1923 og staðfestist hér með til að öðlast þegar gildi.

Félagsmálaráðuneytið, 19. desember 1989.

F. h. r.

Húnbogi Þorsteinsson.

Þórhildur Líndal.

AUGLÝSING

um umferð á Sauðárkróki.

Samkvæmt heimild í 81. gr. umferðarlaga nr. 50/1987 og að fenginni tillögu bæjarstjórnar Sauðárkróks hefir eftirfarandi verið ákveðið:

1. Bifreiðastöður eru bannaðar við Hegrabraut og Kambastíg.
2. Gangbraut verði sett á Skagfirðingabraut við innkeyrslu að sundlaug. Ákvæði þessi taka gildi þegar í stað.

Lögreglustjórnin á Sauðárkróki, 21. desember 1989.

Halldór Þ. Jónsson.